

3) РУССКІЯ ПРАВДЫ.

I.

СПИСОКЪ АКАДЕМИЧЕСКІЙ.

Правда Росьская.

1) Оубьеть моужь моужа, то мьститъ братоу брата, или сынови отца, любо отцю сына, или братоу чадоу, любо сестриноу сынови; аще не боудеть кто мьста, то 40 гривень за голову: аще боудеть роусинъ, любо гридинъ, любо коупчина, любо лбетникъ, любо мечникъ, аще изъгон боудеть, любо словенищъ, то 40 гривень положить зань.

2) Или боудеть кровавъ или синь надъраженъ, то не искати емоу видока челоуькоу томоу; аще не боудеть на немъ знаменіа никотораго же, толи приндетъ видокъ; аще ли не можетъ, тоу томоу конецъ. Оже ли себе не можетъ мьстити, то взати емоу за обиду 3. гривнѣ, а лѣтцю мзда.

3) Аще ли кто кого оударить батогомъ, любо жердью, любо пястью, или чашею, или рогомъ, или тылеснію: то 12 гривнѣ; аще сего не постигнуть, то платити емоу: то тоу конецъ.

4) Аще оутнетъ мечемъ, а не вынемъ его, любо роукоятью: то 12 гривнѣ за обиду.

5) Оже ли оутнетъ роукоу, и отпадетъ роука, любо

¹ Объ источникахъ «Русск. Пр.» см. *Калачова*, Предв. Юридич. свѣдѣнія для полянаго обьясненія «Русск. Пр.» М., 1846, стр. 1—43.

оусохнеть: то 40 гривенъ; аще боудеть нога цѣла, или начьнеть храмати, тогда чада смирять.

6. Аще ли переть оутнеть которыи любо: 3 гривны за обиду.

7) А во оусѣ 12 гривнѣ; а въ бородѣ 12 гривнѣ.

8) Оже ли кто вынесъ мечъ, а не тиеть: то тыи гривноу положить.

9) Аще ли ринеть моужь моужа, любо отъ себе, любо къ собѣ: 3 гривнѣ; а видока два выведеть, или боудеть варягъ или коlobягъ, то на ротоу.

10) Аще ли челядинъ съкрыется, любо оу варяга, любо оу коlobяга, а его за три див не выведоуть, а познають и въ третии день: то изымати емоу свои челядинъ, а 3 гривнѣ за обиду.

11) Аще кто поѣдетъ на чужемъ конѣ, не прошавъ его, то положити 3. гривнѣ.

12) Аще понметъ кто чужъ конь, любо ороужіе, любо портъ, а познаеть въ своемъ мироу: то взяти емоу свое, а 3. гривнѣ за обиду.

13) Аще познаеть кто, не сметь его, то не рци емоу: мое; иъ рци емоу тако: поиди на сводъ, гдѣ еси ваягъ; или не поидеть, то пороучника за пять днів.

14) Аже гдѣ възьщеть на друозѣ проче, а онъ ся запирати почнеть: то ити ему на изводъ предъ 12 человекъ, да аще боудеть обидя не вдалъ боудеть достоинно емоу свои скотъ, а за обиду 3. гривнѣ.

15) Аще кто челядинъ пояти хоцеть, познавъ свои, то къ ономоу вести, оу кого то боудеть коушигъ, а тои ся ведеть о друоугомоу, дже дондетъ до третьего, то рци третьемоу: вди ты мнѣ свои челядинъ, а ты своего скота ищи при видоцѣ.

16) Или холопъ оударить свободна моужа, а бѣжить въ хоромъ, а господинъ начнеть не дати его: то холо-

на пояти, да платить господиѣ заць 12 гривнѣ; а за тымъ где его нагъзоуть оудареныи тои моужь, да бьють его.

17) А иже изломить копье, любо щить, любо порть, а начнетъ хотѣти его деръжати оу себе, то приати скота оу него; а иже есть изломилъ, аще ли начнетъ примѣтати, то скотомъ سموу заплатити колько далъ боудеть на немъ.—

Правда оуставлена Роуеьской земли, егда ся съвокоюнилъ Изяславъ, Всеволодъ, Святославъ, Косичко, Перенѣгъ, Микыфоръ Кылянишъ, Чюдинъ, Микула:

18) Аще оубьють огнищанина въ обиду, то платити заць 80 гривенъ оубинци, а людемъ не надобѣ; а въ подѣздномъ княжи 80 гривенъ.

19) А иже оубьють огнищанина въ разбон, или оубинца не ицоуть: то вирное платити въ ней же ви. р. и голова начнетъ лежати.

20) Аже оубиють огнищанина оу клѣти, или оу коня, или оу говяда, или оу коровѣ татъбы, то оубити въ пса мѣсто; а тоже поконъ и тивоуницоу.

21) А въ княжи тивоунѣ 80 гривенъ; а конюхъ старыи оу стада 80 гривенъ, яко оуставилъ Изяславъ въ своемъ конюсѣ, его же оубилъ Дорогобоудьци.

22) А въ сельскомъ старостѣ княжи и въ ратаниѣмъ 12 гривнѣ; а въ рядовници княжѣ 5 гривенъ.

23) А въ смердѣ и въ хонѣ 5 гривенъ.

24) Аще роба кормилца, любо кормилцицъ, 12.

25) А за княжъ конь, иже тои съ пятномъ, 3 гривнѣ; а за смердѣи 2 гривнѣ.

26) За кобылоу 60 рѣзанъ; а за волъ гривноу; а за коровоу 40 рѣзанъ; а третьякъ 15 коунъ; а за лоньщиноу полъгривнѣ; а за тела 5 рѣзанъ; за яра ногата; за боранъ ногата.

27) А оже оуведеть чюжь холопъ любо робоу, платити емоу за обиду 12 гривнѣ.

28) Аще же приидеть кровавъ моужь любо синь, то не искати емоу послоуха.

29) А иже крадеть любо конь, любо волю, или клѣтъ, да аще боудеть единъ крадь, то гривною и тридесать рѣзанъ платити емоу; или ихъ будеть 18, то по трѣ гривнѣ и по 30 рѣзанъ платити моужевѣ.

30) А въ княжѣ борти 3. гривнѣ любо пожгутъ, любо поаудроуть ¹⁾

31) Или смердъ оумоучать, а безъ княжа слова, за обиду 3. гривны.

32) А въ гишцаицѣ и въ тивоуницѣ и въ мечници 12 гривнѣ.

33) А иже межоу переореть любо перетесъ, то за обиду 12 гривнѣ.

34) А оже лодью оукрадеть, то за лодью платити 30. рѣзанъ, а продажи 60 рѣзанъ.

35) А въ голоубѣ и въ коурати 9 коунъ.

36) А въ оуткѣ, и въ гоусѣ, и въ жеравѣ, и въ лебеди 30. рѣзанъ, а продажи 60 рѣзанъ.

37) А оже оукрадоуть чюжь несъ, любо ястребъ, любо соколъ, то за обиду 3. гривны.

38) Аще оубьютъ тата на своемъ дворѣ, любо оуклѣти, или оу хлѣва, то тоя оубить; аще ли до свѣта держать, то вести его на княжъ дворъ; а оже ли оубьютъ, а люди боудоуть видѣли связанъ, то платити въ немъ ²⁾.

¹⁾ Изъ этой статьи въ списокъ Ростовскомъ прибавлено: а въ смерди 2 вгривнѣ (чит. гривнѣ.)

²⁾ За этой статьей въ списокъ Ростовскомъ слѣдуетъ непосредственно слѣдующая статья, которой недостаетъ въ списокъ Академическомъ: Оже убиешь татъ, а подымуть ноги во дворъ, иво убить; оли подымуть ноги за ворота, толи платити въ немъ.

39) Оже сѣно крадоуть, то 9 коунъ; а въ дровехъ 9 коунъ.

40) Аже оукрадоуть овъцоу или козоу или свинью, а ихъ боудеть 10 одиною овъцоу оукрадѣ, да положить по 60 рѣзанъ продажи.

41) А хто изималъ, томоу 10 рѣзанъ; а отъ грине мечникоу коуна, а въ девятиноу 15 коунъ, а князю 3 гривны; а отъ 12 гривноу емъцю 70 коунъ, а въ десятиноу 2 гривнѣ, а князю 10 гривенъ.

42) А се поклонѣ вирнии: вирникоу взяти 7 вѣдоръ солодоу на недѣлю, тѣже овецъ, либо полоть, или двѣ ногатѣ; а въ среду рѣзаноу, въ три же сыры, въ пятницоу такоже; а хлѣба по колькоу моугоуть ясти и пшена; а куръ по двое на день; конѣ 4 поставити и соути имъ на ротъ колько могоуть зобати; а вирникоу 60 гривенъ и 10 рѣзанъ и 12 вѣверици; а передѣ гривна: или ся пригоди въ говѣнне рѣбами, то взяти за рыбы 7 рѣзанъ: тѣ всехъ коунъ 15 коунъ на недѣлю; а борошна колько моугоуть изъести. До недѣли же виро зберуть вирници. То ти оурокъ Ярославъ.

43) А се оурокъ мостъниковъ: аще помостивше мостъ, взяти отъ дѣла ногата, а отъ городници ногата; аще же боудеть ветхаго моста потвердити нѣколко доскъ, или 3, или 4, или 5, то тоеже. —

Собрание важнейшихъ памятниковъ по исторіи древняго русскаго права. — Санкт-Петербургъ: В типографіи Губернскаго Правленія, 1859. — С. 47—51.